



Adresa: **Ul. H. Čemerlića 39**
71000 Sarajevo
<http://www.voda.ba>

tel. +387 33 726 413
fax. +387 33 726 423
e – mail: info@voda.ba

Broj: UP-1/21-3-40-404-4/23
Datum: **06.11.2023.**

«Agencija za vodno područje rijeke Save» Sarajevo rješavajući po zahtjevu Investitora „HIFA-PETROL“ d.o.o. Sarajevo, poslovna jedinica Jajce za donošenje rješenja o vodnoj dozvoli za ispuštanje tehnoloških otpadnih voda i oborinskih, onečišćenih voda sa lokacije objekta benzinske crpke i automatske autopraone koja se nalazi u naselju Mračaj, općina Jajce, na osnovu člana 109. stav 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi:

RJEŠENJE **o vodnoj dozvoli**

1. Daje se vodna dozvola Investitoru „HIFA-PETROL“ d.o.o. Sarajevo, poslovna jedinica Jajce, za ispuštanje tehnoloških otpadnih voda i oborinskih, onečišćenih voda sa lokacije objekta benzinske crpke i automatske autopraone koja se nalazi u naselju Mračaj, općina Jajce, na zemljištu označenom kao k.č. broj: 327, 328/1, 328/2, 330 i 330/1, p.l. br. 1901, K.O. Jajce, gruntovni podaci, k.č. 475/4 iz zk. ul. br. 970, K.O. Pijavice, općina Jajce.
2. Ova vodna dozvola se odnosi isključivo na ispuštanje tehnoloških otpadnih voda i oborinskih, onečišćenih voda sa lokacije objekta benzinske crpke i automatske autopraone, definirane točkom 1. Rješenja i ne oslobađa podnosioca zahtjeva obaveze pribavljanja vodne dozvole za korištenje vode i ispuštanje otpadnih voda, a za čije izdavanje je nadležno Ministarstvo poljoprivrede, šumarstva i vodoprivrede Kantona Središnja Bosna, u skladu sa članom 139. stav 2. točka 1. i 2. Zakona o vodama («Službene novine Federacije BiH» broj 70/06).
3. Vodna dozvola se daje na osnovu pregleda dostavljene dokumentacije, izvršenog uviđaja, utvrđenog činjeničnog stanja i uz slijedeće uvjete:
 - 3.1. Da se upotreba i korištenje predmetnog objekta vrši u skladu sa njegovom prirodom i namjenom.
 - 3.2. Da korisnik predmetnog objekta, za vrijeme trajanja ove dozvole, osigura da se onečišćene vode sa prometnih, radnih i manipulativnih površina, nesmetano sakupljaju i odvođe do objekta predviđenog za tretman tehnoloških otpadnih voda (separator ulja i masti), a zatim ovako tretirane vode, preko okna za monitoring, ispuštaju u gradsku kanalizaciju kojom gospodari JKP „Vodovod i kanalizacija“ Jajce.
 - 3.3. Da se skladištenje nafte i naftnih derivata vrši u dvoplašnim, podzemnim spremnicima kapaciteta 130 m³ (2x30+50+20) i spremnik za UNP od 30 m³.
 - 3.4. Objekte čija je svrha odvođenje i prečišćavanje onečišćenih voda (separator ulja i masti, slivnici i rešetke, kanalizaciona mreža) treba redovno održavati i koristiti na način koji će osigurati njihovu potpunu ispravnost i funkcionalnost.
 - 3.5. Prečišćene oborinske vode moraju ostati u maksimalno dopuštenim granicama definiranim članom 14. i članom 15. Uredbe o uvjetima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 3.6. Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti i izdvojenim naftnim derivatima.
 - 3.7. Osigurati priručna sredstva za brzu intervenciju u slučaju nekontroliranog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).

- 3.8. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječe dospijevanje nafte i naftnih derivata u podzemne i površinske vode.
- 3.9. Talog iz separatora se ne smije ni privremeno odlagati na česticu „vodno dobro“, odnosno u vodotoke i na njegove obale.
- 3.10. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.11. Da se, sukladno propisima iz oblasti zaštite okoliša, vrši sigurno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.12. Vršiti redovnu kontrolu međuplašnog prostora spremnika, njihovo čišćenje, kao i kontrolu rada.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama («Službene novine Federacije BiH», broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, točke 22. i 13. tabele te prema dostavljenim obrascima izvršavati u cijelosti i u propisanim rokovima obavezu plaćanja vodnih naknada.
5. U periodu važenja ove dozvole, investitor odnosno korisnik „HIFA-PETROL“ d.o.o. Sarajevo, poslovna jedinica Jajce je dužan provoditi sve mjere i aktivnosti propisane istom.
6. Ukoliko radom predmetnog poslovnog objekta dođe do promjene režima voda, a te promjene uzrokuju šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. Ukoliko uslijed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske pumpe obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Ovo rješenje može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenju ovog vodnog akta odnosno zaključka.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu 117. stav 1. Zakona o vodama («Službene novine Federacije BiH» broj 70/06) se daje sa rokom važenja od 5 (pet) godine od dana pravosnažnosti ovog rješenja.
11. Prije isteka važnosti ove dozvole Investitor „HIFA-PETROL“ d.o.o. Sarajevo, dužan je da zatraži izdavanje nove vodne dozvole za PJ Jajce.

Obrazloženje

Investitor „HIFA-PETROL“ d.o.o. Sarajevo, poslovna jedinica Jajce, podnio je zahtjev za izdavanje vodne dozvole za ispuštanjem oborinskih, onečišćenih i tehnoloških otpadnih voda sa lokacije objekta benzinske crpke i automatske autopraone koja se nalazi u naselju Mračaj, općina Jajce, na

zemljištu označenom kao k.č. broj: 327, 328/1, 328/2, 330 i 330/1, p.l. br. 1901, K.O.Jajce, gruntovni podaci, k.č.475/4 iz zk.ul. br.970, K.O. Pijavice, općina Jajce. U provedenom postupku uz zahtjev za donošenje rješenja o vodnoj dozvoli, dostavljena je slijedeća dokumentacija:

- Aktualni izvod iz sudskog registra broj: 065-0-RegZ-23-005271 od 26.05.2023., izdano od općinskog suda u Sarajevu.
- Kopija Uvjerenja o poreznoj registraciji od 23.02.2005.godine, izdanog od strane Porezne uprave – Kantonalni ured Sarajevo.
- Ovjerena kopija Uvjerenja o upisu u jedinstveni registar obveznika indirektnih poreza broj: 04/1-UPP/1-16499/07 od 06.09.2007.godine, izdanog od strane Uprave za indirektno-neizravno oporezivanje Banja Luka.
- Kopija uplatnice administrativne takse.
- Upotrebna dozvola za izgrađene objekte autopraonica, mini servis, kotlovnica i spremnik za UNP od 30 m³ br: 03-23-6-6/13-1 od 07.02.2013. izdana od Službe graditeljstva/urbanizma, prostornog uređenja, geodetskih, katastarskih i imovinsko pravnih poslova, općine Jajce.
- Upotrebna dozvola za korištenje benzinske crpke br: 03-23-650/08 od 20.06.2008.god., izdana od Službe graditeljstva/urbanizma, prostornog uređenja, geodetskih, katastarskih i imovinsko pravnih poslova, općine Jajce.
- Rješenje o Vodnoj dozvoli br: UP-I/25-3-40-355-5/18 god. od 18.09.2018.god. izdano od AVP Sava.
- Rješenje o Vodnoj dozvoli br: 05-25-63/18 od 21.12.2018.god. izdano od Ministarstva poljoprivrede, vodoprivrede i šumarstva KSB.
- Izvještaj o ispitivanju kvaliteta tehnoloških otpadnih voda izrađen od „INSPEKT-RGH“ d.o.o. Sarajevo br.298/23 od 3/2023..
- Ugovor o čišćenju i održavanju separatora i septičke jame sklopljen s poduzećem „DELTA PETROL“ d.o.o. Kakanj.
- Glavni projekt za ispuštanje tehnoloških otpadnih voda-izvedeno stanje izrađen od poduzeća „IBIS“ d.o.o. Zavidovići, oznake projekta 40-IB-G/13 od IV/2013 god.,s Izvještajem o reviziji izrađenoj od ES HYDROTEHNICS d.o.o. Sarajevo oznake D-04-063/14 od 21.04.2014.god..
- Ugovor o isporuci vode i korištenju kanalizacije br. 01-1408/10-114 od 19.1.2011. sklopljen s JKP“ Vodovod i kanalizacija „ d.o.o. Jajce.
- Tehnička dokumentacija za dvoplašne spremnike za skladištenje nafte i naftnih derivata izrađena od METACOM d.o.o. Jajce iz 2007.god.

Nakon pregleda dostavljene dokumentacije, u skladu sa članom 12. stav 5. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak poslovnog objekta i tom prilikom je sačinjen zapisnik o uviđaju broj: UP-1/21-3-404-3/23 od 03.11.2023. na kome je konstatirano sljedeće:

Benzinska crpka sastoji se od nadstrešnice s automatima za istakanje goriva, objekta za prodaju sa uredskim prostorom, dvoplašnim spremnicima za skladištenje nafte i naftnih derivata, automatskom autopraonom s dva boksa, manipulativnog prostora koji je potpuno asfaltiran, sustava za odvodnju sa separatorom ulja i masti.

Naftni derivati su skladišteni u dva dvoplašna spremnika ukupnog kapaciteta 130 m³ (2x30+50+20) i spremnik za UNP od 30 m³ za koji posjeduju ateste.

Oborinske vode s manipulativnih površina se skupljaju i odvođe do tipskog separatora ulja i masti sa ispuštom u gradsku kanalizaciju kojom gospodari JKP „VODOVOD I KANALIZACIJA“ d.o.o. Jajce.

Sanitarne i fekalne vode se direktno upuštaju u gradski kanalizacioni kolektor.

Tehnička dokumentacija Glavni projekt izrađen od poduzeća „ARHITEKTA“ d.o.o. Zenica a hidro faza od poduzeća „IBIS“ d.o.o. Zavidovići, revidirana od strane ES HYDROTEHNICS d.o.o. Sarajevo.

Čišćenje i održavanje separatora ulja i masti obavlja poduzeće „DELTA PETROL“ d.o.o. Kakanj.

Ispitivanje kvaliteta i kvantiteta ispuštenih voda se mjeri u kontrolnom šahtu od strane „Inspekt-RGH“ d.o.o. Sarajevo i izvještaj br. 298/23 od 3/2023., ukazuje da su svi parametri, ispušteni tehnoloških voda iz automatske autopraone s dva boksa i oborinskih voda zadovoljavaju uvjete propisane Uredbom o uvjetima ispuštanja otpadnih voda u okoliš i sustav javne kanalizacije (Sl.novine br. 26/20 i 96/20).

Objekt se ne nalazi u vodnom dobru kao i u vodozaštitnim zonama.

Točka 4. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u točki 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i tačka cc) Uredbe o uslovima ispuštanja otpadnih voda u okoliš i sisteme javne kanalizacije, konstatuje se da je podnosilac zahtjeva «HIFA-OIL» d.o.o. Tešanj, PJ Jajce, ispunio minimum uvjeta za izdavanje vodne dozvole za ispuštanje oborinskih onečišćenih i tehnoloških otpadnih voda u recipijent, te je riješeno kao u dispozitivu ovog Rješenja. Na osnovu provedenog postupka konstatira se da je podnosilac zahtjeva „HIFA-PETROL“ d.o.o. Sarajevo, poslovna jedinica Jajce, ispunio minimum uvjeta za izdavanje vodne dozvole za ispuštanjem oborinskih, onečišćenih voda sa lokacije te je riješeno kao u dispozitivu ovog rješenja.

Podnosiocu zahtjeva je, na ime izdavanja ovog vodnog akta, izvršio uplatu pristojbe iz tar. Br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradio:

Marko Barić, dipl.ing.grad.

Po ovlaštenju
Rukovodilac Sektora za izdavanje vodnih akata

Haris Ališehović, dipl. ing.grad.

Dostaviti:

- „HIFA-PETROL“ d.o.o. Sarajevo, HOTONJ bb, Vogošća
- AVP, ISV – Vodna knjiga
- Sektor 50
- Sektor 40, arhiva
- Oglasna ploča-AVP Sava